

誠
齋
集

八



誠齋集卷第三十

詩

廬陵楊万里

廷秀

朝天續集

西湖山 蘭林五十詠
一承人又傳人更矣
蘭林

一代鄉林老吾生不並時來尋白玉柄祗見紫蘭

枝葉遠翠精神瞬已皓未逢翠山之幽尚有

鹿川

居士歌黃帽曾來照晚晴至今流灑灑猶學詠詩

聲

畱來橋

已廢彭澤辭更擬輞川詩未老還山了猶嫌畱較

遲

泛宅

猶道山中淺仍移水上居俗人又剥啄掉入白芙蓉

蕖

醉天艤集

佳處何曾遠林間別是涼清風酌一枕底許覓羲皇

醉

北垞

退齋

爭進千歧捷辭榮一著難生龜教脫殼試作个般

看

寓齋

宇宙一行店誰為店主主人主人亦鮮去而况饗餘薪

新

叢桂

不是人間種移從月牖來廣寒香一點吹得滿山開

山齋

老子齋中宿同來無一人若非明月客誰伴白雲身

醉石

晚酌居然醉昏昏不自持奇哉蒼玉枕眠到月來時

蘭晚

健碧纊纊乘班紅淺淺芳幽香空自秘風肯秘幽香

駕月橋

紫霓色入橫天度銀盤湧水來先生騎霓脊盤上捲

金盃

黑坳

坳中一池墨晚中百斛力酒作五十詩千年照泉石

竹齋

凜凜冰霜節脩脩玉雪身便無文與可不有月傳神

三老亭

雙樹有古色一几非今樣私言此老士月夜聞屐響

通幽徑

點檢苔花暈微光拄杖痕醉醕幾開落山雨濕黃昏

讀書堂

老以書為命眼將書作讎鄉林與誠叟同敗短檠愁

碧蘆濃

春爭肥堪菜秋花暖可憇何須雙野鷗屏上五湖天

無熱軒

南北興東西溪光仍樹色人間無熱軒物外清涼

國陸龜蒙詩云溪山自是清涼國

柔來陌

繭館三眠老采村獨樹春坐看黃更墮應有一寒人

人

柏子園

秋穎酌天酒春花噀圃香薌林親手種中有洞庭

霜

放魚磯

為惜卅砂尾親投碧草潭前頭有香餌千萬不須

貪

白鶴亭

可憐林下鶴獨肯伴先生猶有冲天志君聽呌月聲

翠幕庭

軟甃瑠璃地生操翡翠幃莫教星月入玉鏡點金微

鵝篆灘

不傳右軍字且留房相池新離黃似酒把酒看群嬉

高謝三公府來耕五畝園園中有何好老子笑無言

過花橋

北垞通南埭前花映後花兩多橋板斷折碎兩涯霞

桃李蹊

白雪堆穠李紅藍染靚桃晨粧須蚤看莫待日華高

企踈堂

堂上清如水鄉林對兩疎只今詩社裏畫作企疎

圖
酒名

梅坡

自肯花如雪而今乘入雲先生已仙去誰與共天
醇

梨花原

禁火曉未暖踏青昏恰飯何堪一原雪將冷入春

衣

海棠洞

艷翠春銷骨妖紅醉入肌花仙別無訣一味服藥

支

歲寒亭

冷笑元無味孤高別有心誰將桃李眼雪裡解相
尋

菊坡

西風破幽馥東篱散清好淵明不可作解后鄉林
老

文杏塢

道白非真白言紅不苦紅請君紅白外別眼看天
工

藥欄

日出花藥廉風生芝朧香枕中兼肘後別有不傳

方

王井

誰言玉井春不作双井味會有眠雲客領略兩相似

芙蓉涼

洪音泮散也破也

岸植木菡萏池栽水拒霜那知一家種同艷不同

香

槐陰擇

音亦擇街陌道也

陰作官街綠花催舉子黃公家有三樹猶帶鳳池香

東臯

避世無功酒臨流元亮詩鶴鳴入天聽葉下報秋悲

悲

聽水亭

泠泠無絃箏淘淘自鳴鼓最是醉夢中喚作松風雨

雨

雪臺

玉樹參差出天花頃刻開先生倚欄處指點是瑤

臺

西崦

坡壘端何似波濤起復低醉眠桂花雪不覺月華

西

碧梧境

青蹇塗也

往往游西崦時時憩午陰鳳來人不見飛入碧枝深

百花洲

茂苑猶香名南陽已荒草更兼蘋林中三洲是三島

有山堂

閭阜風烟外江西小有天茲山本無主掇入筆牘前

松湖

已訝松生市更將湖入城如何造物者百巧供先生

折蔬亭

蘆菔鼠尾大青蔓青兔耳長先生不忍摘野客却

同嘗

瓜田

獨酌聖賢酒新嘗子母爪丁寧林下友莫道故侯家

連輝觀

極目斜陽樹乘風落月梁更和山與水併作一秋光

瀆頭阻風

天寒春淺蟄未開船頭一聲出地雷老夫驚倒卷簾看白浪飛從東海來東海復東幾万里扶桑頃刻到長淮琉璃地上玉山起玉山自走非人推似聞海若怒川后雨師風伯同抽差夜提橫木明光

甲大呼一戰龜山頽老夫送客理釣棹適逢奇觀亦壯哉豈不懷敝船不進繫纜古柳依雲堆湏臾驚定却成喜分付客愁金縷杯

至洪澤

今宵合過山陽驛泊船問來是洪澤都梁到此只一程却費一宵兼兩日政緣夜來到瀆頭打頭風起浪不休舟人相賀已入港不怕淮河更風浪老夫搖手且低聲驚心猶恐淮神聽平色急呼津吏催開閘津吏又手不敢答早潮已落水入淮晚潮未來閘不開袖問晚潮何時來更待玉蟲緩金釵

過淮陰縣

索寘淮陰縣人家草草中荻篠緯春勝茅屋學船蓬今日非昨日南風轉北風霍然香霧散放出一輪紅

過磨盤得風掛帆

兩岸黃旗小隊兵新晴駛路馬蹄輕全番長笛橫腰鼓一曲春風出塞聲鶻噪鴉啼俱喜毛船輕風順更兼程却思兩日淮河浪心憐魂敬焉尚未平

望楚州新城

已近山陽望漸寬湖光百里見千村人家四面皆

臨水柳樹双垂便是門全盛向來元孔道難耕今是一雄藩金湯再葺真長策此外猶湏子細論

阻風泊黃浦

回顧山陽北前瞻寶應東又逢翻手雨更著打頭風不了行程債從來賦命究客愁無訴處搖指畫船篷

過寶應縣新聞湖

寒裏船門不可開試聞一望興悠哉空濛烟雨微
注樹都向湖光外面來
細雨初如弄隙塵湏臾化作舞空蚊作團面旋還

分散只見鞋烟與薄雲

雨絲拂水不曾沉一一如珠一一明亂走不停跳
不住忽然跳入水精瓶

漁家可是厭塵囂屋圓沙最盡捎外面更裁楊
柳樹上頭無數鶯鶯巢

湖堤掉柳早去色青葱猶帶隋家旧土風莫笑千株
尺來許看渠攬盡夕陽紅

兩裏樓船即釣磯碧雲便是綠蓑衣滄波萬頃平
如鏡一隻鸕鷀貼水飛

半濃黛汁點遙林微淡鈜膏抹暮雲似白如青都

不是淮南弄色五湖春

天上雲烟壓水來湖中波浪打雲回中間不是平
林樹水色天容折不開

兩雙釣船相對行釣車自轉不須繁車停不轉船
停處特地繁車手不停

五湖佳處是荒寒却為無山水更寬敞去江南無
此景未須喫飯且來看

過九里亭

水渚繞容足漁家便架椽屋根些子地簷外不勝
岸岸皆垂柳門門一釣船五湖好風月去色與不

過揚子橋

浪說春旣已四旬淮南元自不知春明朝却是中
和節野火誰憐寂寞人

客愁滿目政無聊忽報船經揚子橋未到江南心
已喜隔江山色碧相招

瓜州遇風

金鉦三聲船欲發天地蒼茫忽聞閩惡風吹倒多
景樓怒濤打碎金山塔濤頭拋船入半空船從空
中落水中勢如崩山同日二十九聲如推墮万石
之簾千石鍾岸人驚呼船欲沒舟人絕叫船復出

平生所聞揚子江無風已有波相撞莫教風動一
波起三月本騰收不止君不見逆商投鞭欲斷流
藁街自送月氏頭

再賦石翁石婆

石翁誰怒猶睥睨石婆多愁鬢先禿荒山野水四
無人二老對立今幾春珠襦玉匣化為土金鴈銀
鳧亦飛去知是六朝何帝陵摩挲碧蘚俱無語

觀張功父南湖海棠杖藜走筆

看盡都城種海棠只將一徑引教長約齋妙出春
風手人在中央花四傍

百株都好却嫌渠揀中東邊第一株開與未開相
間着濃紅密淡疎疎

天工信手洒明霞若遣停匀未必佳却得數株多
乘底慙慙觀出蕊邊花

送薛子約下第飲永嘉

河東鸞鸞志青天冀北麒麟受玉鞭二十年前元
脫穎五千人裏又遺賢請君更草凌雲賦老我重
看研桂仙趣取春風双鬢綠收科誰後復誰先

和張功父榼木巴攬花韵

南湖窠木已交加種攬栽榼更北涯生眼錯呼為

夜合新鶯知不是桃花綠陰四合蔵雲屋翠浪全
機織素紗桂隱主人臞見骨不餐酥酪却餐茶

花似夜合巴

木榼花似桃花

走筆謝張功父送似酴醿

西湖野僧夸藏冰半年化作真水精南湖詩人笑
渠拙不如儂家解乾雪藏冰窖于山之幽銳透九
地山鬼愁儂家藏雪有妙手分明曉在翡翠樓向
來異二拉滕六王妃夜投玉川屋剪水作花吹朔
風操雲為粉散寒空醉揮兩袖拂銀漢捎頭万斛
冷不融瓊田挈月拾翠羽砌成重樓天半許盤作

青蚊吐綠霧亂飄六出薰沉炷人間雪脆那可截
天上雪落何曾香三月盡頭四月首南湖香雪今
誰有分似誠齋老詩叟碎按玉花泛春酒一飲一
石更五斗

和祝汝玉作舉子語之句

玉奴何必減花奴省識春風作畫圖臨水隔花看
走馬翻身射鷹落彫弧詞場君揀碩城色詩社儂
凋覓句鬚摩塗致師仰餘勇政慚連叔答肩吾

和徐盈贈詩

不謁長安衆富兒不隨舉子脫麻衣片雲出岫元

無事催我詩成翻手就

無鬼玄談彫苦空端能問字過揚雄韓琮不生王

駕死氣音氣君明月與清風

送劉德脩殿院直閣將漕潼川

烏府何緣著僕臣紫皇親擢得斯人金丹半粒回
元氣玉宇崇朝作好春不惜孤身輕一乘坐令九
鼎重千鈞万生回首未染棟未要沱江理釣緝
半世西風吹盛名脫同朝路慰平生一言半語到
金石四海九州成弟兄雪嶺錦城君理棹青鞋黃
帽我敝耕長江万里通吳蜀逢着双魚各寄聲

送馬莊父游金陵

東華踏徧軟紅塵却去秦淮釣月輪朱雀烏衣王
謝宅黃旗紫蓋晉梁春江山拾得風光好杖屨飯
來句子新瓶恐參卿署軍事釀董薦墨到槐宸

跋吳箕秀才

君家子華翰林老解吟芳草夕陽愁開紅落翠天
為泣覆手作春翻手秋晚唐異味今誰嚙耳孫下
筆參差是一徑芙蓉十萬枝喚作春風二月時旁
人咲渠眼花恐落井渠方掉頭得句呼不醒老夫
向來守荆溪郡有詩人元不知贈我連城難照乘

一夜空齋橫白蜺

芙蓉春風之句乃吳之警句也
唐吳融字子華古不勞芳草色

更惹夕
陽愁

記丘宗卿語紹興府學前景

鏡湖泮宮轉街曲繞闌清溪便無俗竹橋斜度透
竹門牆根一竿半竿竹恰思是間宣看梅忽然一
枝橫出來霜餘皴裂臂來大只著寒花三兩箇

和御製瓊林宴賜進士余復等詩

聖主臨軒士襯然曲江花底宴群賢九天日月開
清照四海豪英看廣延祗合致君上堯舜不應侔
德止宗宣草萊憂國從今始記取雲章第一篇

送徐宋臣監丞補外

出處何心一似雲世間萬事不關身補天鍊石無虛日憂國如家有幾人千載芬香只忠孝百年富貴竟埃塵看君兩鬢青青在不晚飯來侍玉宸題瀏陽縣柳仲明致政雲居山書院

雲居山高三万尺下挿瀏江上撞日柳下和風百世師有孫避地來築室夾葉隱居三百年裁桃種杏今滿川當家相傳一破硯此外文字九千卷旄頭畢方書散亡維仲明父再耿光木葉衣裳野蕨腸牙籤玉軸還堆床更於山下起高閣竹戶松牕

照林岳閣上諸郎夜誦聲太一真人降雲鶴向來有子中文科泮宮彈琴詠蓍羲子世南為荆南教授析氏門間人刮目仲明依舊一漁蓑

小樓晚眺雲月

小樓掛上綠窓櫺落日孤雲万態生碧玉峯巒白銀綠峰巒晴處綠偏明

記丘宗卿與水語

醉嘵永九不作難不須碎爵不須餐聽渠歷歷胸中過一寸詩腸一寸寒

送李制幹李允擢第歸蜀

名皇仁甫之季子也其兄通判璧同登庚戌
第璧除將作監簿直赴蜀任兄弟五人今存

者三人其長即賢良公垕

王立長身太史公諸郎个个有家風高文大冊傳
書種怨句愁吟惄化工鴻鴈双銜月宮挂鵠雛獨
戀蜀山桐何如天網籠雲表三鳳都飮上死中

林宏才秉義挽辭

其仲子標武舉狀元今為閭門舍人

行盡江南北於何隱去休福清好雲谷老子得菟
裘風采千年古英靈闕一丘庭堦俱王樹仲氏立
鼇頭

題沈子壽旁觀錄

逢着詩人沈竹齋丁寧有口不須開被渠譜入旁
觀錄四鳥如何挽得回

送吳敏叔待制侍郎

腳踏雞麞豹尾間心飛碧岫白雲端人看疎傳如
圖畫帝念嚴光返釣灘玉殿松班唐次對竹官茅
立漢祠官自憐病鶴樊籠底万羨冥鴻旛影寒

寄吳宜之

罨畫溪頭老詩伯夜榜仙槎鬱林石要今南斗避
文星却皈北辰擣天極頃逢桂江双鯉魚慙慙兩

寄尺素書山長水遠到不到未必韋郎跡也踈書
中只有想思字更及融冰一寒士泮水曾參苓似
冰等待春風放桃李

和沈子壽還朝天集之韻

愁戈不著狂詩客往往天外華胥國苦海惟愁熱
惱人別有月中水精域浣花一老已九京何人再
築五言城竹齋衣鉢傳錦里咄咄雲烟飛落紙胸
中磊隗有餘地語下飄蕭無俗氣詩壇筆陣制中
權勢如常山看率然觀者堵牆顏色沮驚聞柘彈
金盤勗老夫性癖耽此趣被渠夜半赤手取重陽

過了元不知猶有黃花三兩枝

雨中出湖上送客

細雨輕烟着地昏湖波真个解生塵淨慈靈隱君
休覓失却諸峯不惱人

入北昭慶寺

兩岸芙蓉兩洗粧愁將紅淚照銀塘擡頭不起珠
璣重抑外西風特地狂

張幾仲侍郎挽詞

半世金闈彥中年碧落班一般俱紫橐千古忽青
山秋人篇章裡春生岳牧間汾陽旧部曲白髮万

人潛

烈考同心德中興異姓王勲勞貫三極文獻在諸
郎公也山林味天孚日月壯一生非不達晚達却
堪傷

京口連滄觀洪都孺子亭飛觴回落月洒筆濕寒
星別去長離索自來遷杳冥知公喜儂句五字酌
美靈

徐氏太淑人挽辭

大理卿王季德母

三子官期至同時各致勤爭迎阿番母獨就大馮
君喜入烏巢舍驚傳鶴弔墳傷心是廷尉目漸太

行雲

赤矢生名族烏衣婉德門萱堂登九秩蘭砌領重
孫樂飲占蛇日翻隨藥兔兔一生參具葉夢幻了
無痕

跋眉山程仁万言書草

峩眉山下三蘇鄉至今草木文章香近時美妙有
程郎數寸管底翻錦江向來曾草三千牘流涕大
息仍痛哭九虎當關北斗深十年買桂炊白玉荆
溪溪上相識初君猶少年我壯夫帝城再見各自鬢
袖中一紙梁溪書剗藤方策一万字猶帶權書衡

論味君不見古來富貴掃無痕只有文章照天地

題輩仲至脩辭齋

人道莊周夢蝴蝶我言蝴蝶夢莊周莊周解飛蝶
解語說向蝴蝶應點頭脩辭齋中子輩子年少詩
狂狂到底蹇驥破帽衡達官白眼清談對餘子東
萊一翁印斯人世人皆憎翁不嗔為渠落筆三大
字政自不妨詩入神

秋夕不寐

每到炎天只願秋如何秋到却成愁官居也有寒

蛩語不似山間聽得幽
隻熱通宵睡不成秋涼老眼又偏醒牕虛月白清
無夢却為西風數漏聲

跋符發所錄上蔡語

洙泗淵源一線寒再從伊洛起濤瀾偶看上蔡先
生語滿目淙淙八節灘
符君天秀擢炎方繭足擔簷學北方不是澹菴謫
南海姓名那得許芬香

贈墨工張公明

廬陵旧墨說潘衡廬陵新墨說張生潘家衣鉢嗣

蘇子張家苗裔出易水易水松花烟一螺漲起倒流三峽波人言天下無白墨那知真有玄尚白磨光漆几奪眼睛試點一點傾人城

跋丘宗卿侍郎見贈使北詩一軸

太行界天二千里清晨跳入寒牕底黃河動地万岳雷却與太行相趁來青崖顛狂白波怒老夫驚倒立不住乃是丘遲出塞的贈我大軸出塞詩手持漢節妬秋月弓挂天山鳴積雪過故東京到北京淚滴禾黍枯不生誓取胡頭為飲器盡與遺民鮮鴟髻詩中哀怨訴阿誰河水鳴咽山風悲中原

万象聽驅使縱隨詩句亟行李君不見晉人王右軍龍跳虎卧筆有神何曾我得一句子自哦自寫傳世八君不見唐人杜子美萬草千花句何綺絕以詩傳字不傳却羨別人雲落紙真道丘遲一軸詩此詩此字絕世奇再三莫遣鬼神知鬼神知了偷却伊

謝湖州太守王成之給事送百花春糟蟹
烏衣巷裡批勑手整頓乾坤渠儘有天風吹入水精宮一夜陽和徧花柳變殺苔溪波底雲採雲釀出蒲萄春更長百花作香塵小槽濺破真珠痕一

杯吸盡太湖月郡齋忽念山中客遠澆白首草玄人伯雅仲雅俱清絕一不肯遣長鬚却遣郭索持尺書二執戈者爭走趨登彼糟丘勸腹腴可憐郭索與陸諧不傍貴人熟門戶却訪誠齋老病翁多謝苕溪賢地主

贈寫真水鑑處士王溫叔

我不如森森千丈松我不如濯濯春月柳鬚疎鬢禿已雪霜皮皺肉皴真老醜葉生畫時顏尚朱王生畫時骨更腥一生愛山吟不就兩肩化作秋山瘦君不見襄公鄂公圖凌烟腰間羽箭大如椽君

不見涴花醉圖粉墨落日斜泥滑驥失脚貴人寒士兩相嗤畫圖猶在人已非王生王生且停手不如生前一杯酒

題汪季路太丞魏野草堂圖

汾陰西祀告昇平四海無波鏡樣清乞去與幽人

好風月万山裏許聽泉聲

奉常夫子半錢無不問田園况室廬聞道買來新宅子借看却是草堂圖

題汪季路所藏李伯時飛騎斫鬃射楊枝及繡毬圖

虎失馳射殿西偏一箭穿毡不再弯飛騎新圖天上本龍眠偷得到人間

君王將幸寶津園刷洗天駒尚未乾禁地何緣有闌入考宮應奉得來看

曉登小樓霧失南高峯塔

日日南高峯知我登小樓嗟回紫翠面敬等獻新鮮秋獨將詩魂去恣繞月暉游得句寄興渠月好不敢搜絕頂珥瓊筆仰空書銀鈎今晨招不來開牕得孤愁折簡呼屏翳能爲追士不

跋羅春伯所藏高氏樂毅論

右軍樂毅論大令洛神賦王家小楷天取將紙餘驚鸞尚双翥昭陵銀海闕銀鈎秦王卧看偷兒偷秣陵井苔剥山骨祝融復遣山鬼搜裂瓊劃玉各分散遺下寶圭三五段墨卿收拾驟領珠董董一百八十餘江西今代韓吏部古心古道生好古雷電勃興急捉取阿那精靈會飛去國初高紳學士中後其子孫以石質錢於錢氏錢氏家大石碎尚有五六段有字一百八十九

贈周敬伯

鄉里親黨周敬伯補入太學散遺僅僕歲晚不取嘉其有志贈以長句

多方英傑集橋門作麼吾州不數人之子獨攜一
方策短檠以外四無鄰歲云暮矣猶為客飯去來
兮未立身待上六鼈頭上立遷家藉手拜双親

贈翦字吳道人

翦李羲山經年別遠公詩用青紙翦字作米
元章字体逼真

寶晉雲烟雜海濤玉谿花月寫風騷一生不倩毛
錐子只倩并州快翦刀

題汪聖錫墳菴真如軒在玉山常山之間
東吳南垂楚北際中央不合大如礪百灘千嶂自

一川清空不是人間世玉山先生携老禪把茅結
菴開小軒身前身後來醉眠一醉不醒三千年先
生杖屨半宇宙每到此軒去還又為憐雪立孤竹
君月骨風筋如許瘦向來種筭今排天先生手痕
故依然騎龍帝旁為飛仙玉棺寂寞空寒烟

嘉定元年春三月男

長孺

編定

端平元年夏五月門人羅

茂良

校正

誠齋集卷第三十一

廬陵楊

万里

廷秀

詩

江東集

和陸務觀用張季長吏部韵寄季長兼簡

老夫補外之行

今代老龜蒙無書遺子公也能將好句特地寄西
風遲暮月三已飄零笑兩究絕憐張與陸百戰角

新功

別去公懷我詩來我夢公半輪笠澤月一信鏡湖

風豈有詩名世而無鬼作究管城言曉事猶欲策

元功

之官江左舟中梳頭

耐痒呼僮理亂絲一梳一快勝千篦是中妙處無人會合眼垂頭到睡時

題張以道上舍寒綠軒

菊芽伏士稼青栗杞筭傍根埋紫玉雷聲一夜雨一朝森然迸出如蕨苗先生飢腸詩作梗小摘珍芳汲水井風燼蟹眼候松聲眾離親攜微帶生爛炊凋胡浙青精毫以天隨寒綠萌飢時作齋仍作

羹飽後龍鳳同庖烹太官蒸羔臚花片宰夫肺踏削瓊軟豹胎熬出禡胎來貴人有眼何曾見天隨尚有愁作魔愁杞作棘菊作莎君不見黃金錢照紅玉豆秋高更覺風味多先生釀金鍊紅玉自莎自棘如弔何金空玉盡苗復出喫苗喫花并喫實天隨白眼屠沽兒不道有人頭上立

宿長安閣

郢次何銷追水程昏時即住晚時行驚眠幸自無更點猶有船頭擊柝聲

讀詩

船中活計只詩編
讀了唐詩讀半山
不是老夫朝不食
半山絕句當朝餐

夜泊平望

夜來微雪曉還晴
平望維舟嫩月生
道是燭花總無恨
為誰須暗為誰明
一色河邊賣酒家
於中酒客一家多
青帘不飲能樣醉
弄殺霜風舞殺他

平望夜景

二鑿鑿三當當夜泊平望更點長新月無光
湖有光昨宵一雪今宵霜大吠兩岸人忙夜深人靜

無一事盡燭泣殘人欲睡忽有漁舟外水來一棹
波聲風雨至半生隨在紅塵中浮家東吳東復東
擣舡夜宿瑠璃國誰言別有水精宮

遠樹

行行遠樹慘無聊脫盡清陰只有捎霜幹瘦來無
可庇更能庇得鷺鷥巢

望姑蘇

曠野平中天四垂凍雲譚裏日平西水村人遠看
來短茅屋簷長瓦作低最愛河堤能底巧截他山
腳不勝齊喜聞借得姑蘇館百尺高臺入林藜

風定過垂虹亭

松江未過不勝愁過了垂虹百不憂忽見石湖山
上塔定知塔背是蘓洲

鱸魚

兩年三度過垂虹每過垂虹無雪中要與鱸魚償
旧債不應張翰獨秋風買來一尾那嫌少尚有杯
羹慰老究祇是尊絲無覓處仰天大嘆嘆天公

泊姑蘇城外大雪

夜燒銀燭卷金卮猛落天花醉未知若怯一寒都
不看却教六出更投誰開門片片洒人面送眼山

山呈玉肌纏雪又晴晴又雪吳中風物許清奇
今月晴光滿碧空也無霧雨也無風寂然窓戶黃
昏後霍地瓊瑤一望中千里湖山銀作地半篙船
舷玉為宮丁寧浮蟻非常綠計會祥麟分外紅
跋袁起岩所藏蘭亭帖

南朝千載有斯人拈出蘭亭花草春俛仰之間已
陳跡至今此紙尚如新

謁范參政并赴袁起岩郡會坐中熾炭周
圍遂中火毒得疾垂死乃悟貴人多病皆
養之太過耳

後炭前爐便是窩饑君是鐵也教銷不預泉下火
山獄新制人間法外條今日晴明殊可喜病夫意
緒自無聊看來只欠刀圭藥脚踏層冰雪沒腰

辛亥元日送章德茂自建康移帥江陵

極知借寇未多時道是微黃有近期不割半青江
令宅却飛大白習家池湖山解語云來暮淮水無
情也去思莫近鄉關動鹹興輶黃一點上双眉
西湖一別忽三年白首相從豈偶然到得我來恰
君去政當臘後興春前醉餘犯雪追征帽送了憑
欄望去船待把衣冠掛神武看渠勲業上凌烟

金陵官舍後園散策

江梅未落杏先繁萱草都齊柳半勻却是淺寒花
較耐東風未要十分溫
旋種花窠二百株不知種了有花無阿誰便向春
工說急擣紅藍染玉酥

過秦淮

曉過新橋啓轎窓要看春水弄春光東風作意驚
詩眼攬亂垂楊兩岸黃

後園杏花

小樹手初種當去年花便稠挾枝那忍折繞徑祇

成愁淡了猶紅在留渠肯住不無端万銀竹判却
一春休

戲綠堂前海棠

露採兩漬柳方濃日曠風煦杏政烘祗有海棠非
旋染粟來大惜音小便鮮紅

櫻桃花

櫻桃花發滿晴柯不賭嬌餽只賭多落盡江梅餘
半朵依前風韵合還他

春寒

陣陣風寒樹樹斜不容老子出簷牙繡簾半捲門

偏啓深倚胡床遠看花

春陰忽霽

雲膜辛勤護月華一重縠子一重紗玉奩忽透菱
花影淡與油窓描杏花

過笪橋

輕風欲動没人知早去被垂楊報酒旗行到笪橋
中半處鍾山飛入轎牕來音离

登鳳凰臺

千年百尺鳳凰臺送盡潮回鳳不回白鷺北頭江
草合烏衣西面杏花開龍蟠虎踞山川在古往今

來鼓角哀只有謫仙留句處春風掌管拂蛛煤

上已寒食同日後圃行散

百五重三併一朝風光不怕不嬌饒鹿葱引道心
猶卷楊柳躉門手對招筇未喚隨非是強扇聊作
伴不湏搖先生道是無歌舞花勸鶯鶯酒自銷

代書呈張功父

不見子張子令人夢亦思只應依舊瘦近作幾多
詩聯句平生事看花去歲時海棠今好不傳語併

酴醿

移瑞香花斛

夜撥香窠沐露華畫移翠斛馥腮紗將身換起簾
帷著生怕簾帷換著花

三月三日上忠襄墳因之行散得十絕句
暖轎行春底見春遮攔春也不教親急呼青繖小
涼轎又被春光着莫人

草藉輪蹄翠繖成花圃陌錦幃屏早來指點游
人處今在遊人行處行

淮山脚下大江橫御柳梢頭絳闕明覽盡山川更
城郭雨花臺上太奇生

天公也自喜良辰上已風光忽斬新點檢一春好

天色更無兩日似今晨

游人不是上墳回便是清湍禊事來最苦相逢無

處避天禧寺及兩花臺

女唱兒歌去踏青阿婆咲語伴渠行只虧即罷優

輕殺去搗子双擔擎酒餅

粉捏孫兒活逼真象生果子更時新輪羸一擲渾

閑事空手入城羞殺人

長千橋外即烏衣今著屠沽賣菜兒晉殿吳宮猶

碧草王亭謝館儘黃鸝

除却鍾山與石城六朝遺跡問難真里名只道新

名好不道新名誤後人

切忌尋春預作謀教君行樂定成愁老夫乘興翩然出不遣風知雨覺休

折花

指似青童折海棠繁枝仍要艷花房癡眉駛眼生
蹠手顫脫花房闊一場

行闌養種園千葉杏花

不信東皇也有私如何偏寵杏花枝於中更出紅
千葉且道此花奇不奇

白白紅紅兩不真重重疊疊是精神誰言跛石眠

雲客也見長楊五柞春

清明日兩雪來早晴霽

清明一雨壞花時梅杏櫻桃總脫枝挽住落英供
細舞東風猶自妬游絲

清明一雪怪生寒逗曉新晴雪未殘要見海棠還
傳粉捲簾不徹急來看

海棠四首

小園不到負今晨晚喚嬌紅伴老身落日爭明那
肯暮艷粧一出更無春樹間露坐着搖影酒底花
光併入唇銀燭不燒渠不睡梢頭恰恰掛冰輪

暖醉寒醒各自奇千花誰是俊誰非燕支濃透春
風面翡翠新裁生色衣破落東皇能許劣並嚴西
子較些肥痴兒猶恨無香在紫蝶黃蜂政打團
競艷爭嬌最是他教人嫌步不嫌多初酬曉日紅
千滴晚嗟東風淡一渦自是花中無國色非閨格
外占春窠開時憚為渠儂醉却恨飄零可若何
吾詩多為海棠歌花意依前怨不多已折未開渾
是韵乍濃還淡總由他留連春色能銷底請託東
風定肯麿豈是步陵無句子步陵未見欲如何

海棠

唐詩多未見至
鄭谷詩方見

花下夜飲

夜深移入小杯盤回首花枝不忍看
豈與海棠情分薄老夫自是怯春寒

柳絮

寒勒花遲却速殘暖將絮過忽吹還雪翻霽日光
風急迷衣面廊曲榭閑万里雲天皆去處群飛蹤
跡恣中間道渠催得春闌著春不緣渠獨不闌

折杏子

天暖酒易醺春暮花難覓意行到南園杏子半紅
碧輕風動高枝可望不可摘聳肩跂一足偶爾攀

翻得攀條初亦喜折條還復惜小苦已自顏未醜
政堪喫聊將挾鬢空樽有餘瀝

紅錦帶花

天女風梭織露機碧絲地上茜蘂枝何曾輞住春
日晚只解繁長客恨眉節節生花花點點茸茸晒日
月遲遲後園初芟無題目小樹微芳也得詩

送劉覺之貶蜀

余少時師事清純先生雩都知縣朝奉劉世
臣世臣復令其子三人從余學其季則覺之
也覺之留落大寧監後二十九年復相見於

金陵為留十日而別贈之長句以寫悲喜
大江東西湖南北鵠袍學子森如竹何人開口不
伊川阿誰初道此水源清純先生劉夫子冷笑俗
儒鑽故紙夢中親見大小程為渠刺船入洙泗嘵
我結髮從先生日日看子趨鯉庭先生命子却從
我小窓短檠共燈火陋巷柴扉共寒餓安知頭上
天幾大子今行李寄大寧翩然束書游

帝城袖中一卷經濟策天闌九虎呴不膺朝來忽
見毛生刺看來看去驚且喜風花聚散二十年何

許飛臨老眼前相逢幾日又相別珍重兩字不忍

說我有故山江之西祇遣思皈不遣皈贈行聊借
退之詩石頭城下一杯酒便是此生長別離

跋余伯益所藏張欽夫書西銘短紙

一高一下一中央怙恃兼儂豈別房撞過烟樓休
劣相恥如郎罷也無良

橫渠方寸著乾坤傳到南軒更莫論四海交朋霜
葉落半張翰墨雪濤翻

游定林寺即荆公讀書處

鍾山已在万山深更過鍾山入定林穿盡松杉行
盡石一菴猶隔白雲岑

一個青童一蹇驢九年來徃定林居經綸枉被周
公誤罷相飯來始去讀書

半破僧菴半補籬旧題無復壁間詩祇餘手植双
桐在此外仍兼洗硯池

踏月敲門訪病夫問來還是雪堂翁不知把燭高
談許曾舉烏臺詩帳無

半山寺即荆公

旧宅

霜松雪竹老重尋南蕩東陂水自深鳳去宅存誰
與住不如作寺免傷心

公哭元澤詩云
一日鳳鳥去

老無釋子為鷹門病有毘耶伴此身相府梵宮均

是幻却須捨宅即離塵

日邊賜額寺名新雞犬猶迎舊主人見說小兒齊

拍手半山寺主裹頭巾

名崇報寺

初筭即事

今日風光定自佳不寒不熱恰清和百年人世行
樂耳一歲春皈奈老何苟藥晚花終是小戎葵新
蒼許來多俸錢自笑渾無用私合文江買釣蓑

賀建康帥余處恭迎寶公禱兩隨應

大士多時不入城入城猶未炷爐熏忽吹淮水千
峯兩不費鍾山半朵雲來葉秧苗俱起舞葦花蓋

草亦歡欣尚書歎送公歸去留下豐年二十分
跋虞丞相與趙樽節使帖還其猶子濟
虞丞相與趙將軍同策江淮第一勲大羽進賢今
寂寞凌烟頌裏感風雲

側厘一幅落雲烟意豁神頌歎兩賢從古脩門長
出拊眼看小阮勒燕然

送李君亮大著出守眉州

老夫勾外自緣老復聞建鄴江山好不應夫子亦
翩然一柁江花更江草黃金宮闈三神山蓬萊五
雲霄漢間仍將弱水三万里隔斷塵世無往還西

州名勝李太史豈徒園士天下士玉皇催人道山
堂知費臺家幾黃紙似聞郎罷對薰風忽思錦江
荔枝紅人生奉親行樂耳金印斗大阿闍儂峨眉
山月却入手影落庭闈一杯酒垂賦中和樂職宣
布詩會看夔龍集鳳池

畫倦

睡眼鬟鬆倦日長却拋詩卷步回廊狸奴幸自双
双戲忽見人來走似獐

陪留守余處萊總領錢進思提刑傅景仁
游清涼寺即古石頭城

山自新亭走下來化為一虎首重凹平吞雪浪三
江水卧對兩花千丈臺點檢故城遺址在淒涼浩
歎宿雲開六朝蹤跡登臨徧底事茲遊獨壯哉
萬里長江天上来石頭却欲打江回青山外面周
如削紫府中間劃洞開蘇峻戰場今草樹仲謀廟
白古塵埃多情白鷺洲前水月落潮生聲自哀寺後有吳太

帝廟

已守臺城更石城不知併力或分營六師只遣環
天闕一壘真成借寇兵向者王蘓俱解此冤哉隗
愬可憐生若言虎踞渾堪倚万歲千秋無戰爭

和傅景仁游清涼寺
旧時月過女牆頭風雨摧頽廢不脩地老天荒無
處問松聲灘響替人愁祥刑使者來何暮弔古詩
篇清更幽收拾江山入懷袖却取講席進鴻疇

夏日雜興

金陵六月曉猶寒近北天時較少暄打盡來禽那
待熟半開萱草已先翻獨龍岡頂青千摺十字河
頭碧一痕九郡報來都兩足挿秧收麥喜村村

新亭送客

六朝豈是乏勳賢為底京師不晏然柏壁買人天

一笑楚囚對注後千年鍾山喫客長南望江水留
人懶北還音強管興亡談不盡枉教吟殺夕陽蟬

戲詠陳氏女剪綵花二絕句

醉歸未解音拒霜

染露金風裏宜霜玉水瀆莫嫌開最晚元自不爭

春

菊

味苦誰能愛香寒只自珍長將潭底水普供世間人

謝余處恭送七夕酒果蜜食化生兒

踉蹌兒孫忽滿庭折荷騎竹臂春鶯乃樓後夜邀

牛女留鑰今朝送化生節物催人教老去壺觴拜

賜喜先傾醉眠管得銀河鵲天上飯來打六更予

戊考詩殿序夜漏殺五更之後復打一更問之雞人云宮漏有六更

新釀秦淮鴨綠均旋熬火炬救蜜蜂巢來禽農抹日

半臉水蘿初凝雪一梢豈有天孫千度嫁枉同河

鼓兩相嘲渠儂有巧真堪乞不憊蛛絲罥果看

初秋行圃

今年六月不勝涼七月炎蒸不可當一陣秋風初
過雨小般天氣好燒香

小小園亭亦自佳晚雲過雨却成霞爛開施子渾
如雪已熟來禽尚帶花

花梢飛下兩鳴鳩欲住還行行復留拾得來禽吞
不得啄來啄去竟成休

落日無情最有情徧催万樹暮蟬鳴聽來咫尺無
尋處尋到旁邊却不聲耳

跋澹菴先生辭工部侍郎荅

詔不允

高卧崖州二十年黑頭去國白頭還身居紫禁寫
花裏心在青原水石間

願挽天河洗北夷老臣啞用紫荷為丹心一寸凌
霜雪祇有隆興聖主知

跋澹菴先生繳張欽夫賜章服荅

詔

平生師友兩相知苦為君王惜一衣刺口爭來爭
不得青蠅猶傍太陽飛

紫綬當時賜兩人一為乳臭一名臣老韓不要令

同傳誰會先生此意真是時同日欽夫與一吳氏子同賜命服獨繳欽夫

中元前賀余處恭尚書禱雨沛然霑足

數點飄蕭供晚清二更傾漏到天明雷驅雲氣如

旋磨雨徧山村却入城簾面頰無秋後暑簷牙寂
愛夢中聲尚書幸有為霖手偏洒江東作磨生

竹床

已製青奴一壁寒更搘綠玉兩頭安誰言詩老眠
雲榻不是漁郎釣月竿醉夢那知蕉葉兩小舟親
過蓼花灘蹙然驚起天將曉牕下書燈耿復殘

中元日午

雨餘赤日尚如炊亭午青陰不肯移蜂過無花絕
糧道蟻行有水過歸師今朝道是中元節天氣過
於初伏時小圃追涼還得熱焚香清坐讀唐詩

偶成

珍禽飲盆池將扇撲牕戶一聲驚得飛再聲驚不

去

秋日早起

我眠亦甚安夢中初無驚如何作夢語反側意不
平起來不復寐那樓櫓五更牕紙尚昏昏看到漸
次明卷簾啓後戶披衣步中庭汲井漱新泉滿面
吹寒永仰看天宇曠微白復淡青猶挂爛銀梳未
畢紫金鉢砌蛩餘夜唧樹鵠作曉鳴群動俱擾擾
競若有所營而人居其間獨欲免夙興出山三見

秋一年一征行今茲秋又至
誠齋集卷第三十二

其冠高卧聽松聲

嘉定元年春三月男

長孺

編定

端平元年夏五月門人羅

茂良

校正

誠齋集卷第三十一終

誠齋集卷第三十二

山林

廬陵楊

万里

廷秀

詩

江東集

月臺夜坐

秋日非無熟秋宵至竟清老夫連數夕露坐到三
更風急星明滅雲行月送迎追驩追不得驩却偶
然成

日落片時許星綽數點朋須臾玉碁子徧滿碧瑤
枰向晚垂垂兩通宵得得晴秋蛩伴儂語苦底是

誰聲

初涼與次公子共讀書冊

暑嬾皈投簾涼醒打當書罷吟唇欲裂起坐膝難
歸汲古微瀾動悲秋小雨餘五言未針線百過且
堪除

後圃秋步

芟蕪秋新妬暄燠令早侵病葵萱未悟落果草偏
深老矣曾榮望敝歟更嬾心此冠彈與掛若个不
山林

戲用禪觀菴曾無逸問山谷語

昨日評諸家詩偶入禪觀如杜之詩法出審
言句法出庾信但過之甫白樂天去笙歌啟
院落燈火下樓臺不如杜子美去落花游絲
白日靜鳴鳩乳燕青深也孟浩然去氣蒸雲
夢澤波動岳陽城不如九僧去雲間下蔡邑
林降春申君也漫及之右山谷語無逸云見
墨跡於張功父處功父云屢問人不曉

前說人間無漏仙後說世上無眼禪衲子若全信
佛語生天定在靈運前

聽蟬八絕句

披襟散髮晚風清細細孤斟緩緩行道是江東官
事冗綠楊陰裏聽蟬聲

一隻初來報早秋又添一隻說新愁兩蟬對語双
垂柳知闌先休闌後休

渠與斜陽有底讎千冤万恨訴清秋更從誰子做
頭抵只放斜陽不落休

一殼空空紙樣輕風前却有許多聲叫來叫去渾
無事叫到詩人白髮生
說露談風有典章詠秋吟隻入宮商蟬聲無一些
煩惱自是愁人枉断腸

乍來忽去為誰忙短氣抽教強作長道是渠儂聲
不歇一吟一續萬低昂

望帝啼春夜更多不知蟬意却如何還來入夜便
無語明日將詩理會他

罪過渠儂商略秋從朝至暮不曾休莫嫌入夜還
休去自有寒蛩替說愁

行部有日喜雨

一雨天良苦連宵釀不成強摩昏睡眼來看滴塔
聲環細開來大音珠跳滅又生稻花知我出噴雪
待相迎

八月朔曉起趣辨行李

雨後晨先起花間濕也行破除婪尾暑領畧打頭
清蠹果無遲落枯枝忽再榮便須秣吾馬及此半
陰晴

行部暫辭金陵同列有感

爽氣來江外秋容上柳梢生遭女頰罵老解子雲
嘲襄病聊飛屐行藏鎮把包君看社後燕還憶社
前巢

木犀初發

可笑詩人山澤臞平生枯淡不敷腴已搜杞菊到

到詔厥絕與木犀親友于接入杯中金粟走滿澆
天上桂華孤醉眠繞枕兩三朵香去色肝脾酒更無

明發金陵晨炊義井

薄薄雲收日霏霏雨散池平波光去遠蹤點暈來
遲所部餘千里初程第一詩先驅問行李双堠且

晨炊

道旁種筍

夾路疎籬錦作堆朝開暮落復朝開抽心粗粒輕
拖參近蒂燕支釀抹顛占破半年猶道步何曾一
日不芳來花中却是渠長命換旧添新底用催

圩田

週遭圩岸繚金城一
眼圩田翠不分行到秋苗初
熟處翠茸錦上織黃雲
古來圩岸護隄防岸岸行行種綠楊
歲久樹根無寸土綠楊走入水中央

登起秣陵鎮

人趁村中市雞鳴擔上籠忽看一天紫未吐半輪
紅誰撼扶柔露吹來楊柳風詩肩忍涼冷已出兩
曜峯

山路狹言迴農家俱夙興短長群稚子廻避一田

塍隨大能知路騎牛底用繩茲行有勝事何處不
豐登

觀稼

井字行杭音都整花香遠已耕穗肥黃俯首芒勁紫
掀髯風攬平雲陣聲鬆缺月饑不愁禾把減高廉
却愁添

路口回望方山

鍾阜回頭失方山戀眼寒似巾簷短帽如覆玉珊瑚
每恨青蒼遠因行反覆看旣時記面目城裏指

寧橋小渡

橋壞仍泥滑舟橫隔水呼岸頭危徑窄轎子莫人
扶午漏相將裏秋陽未肯無明知近前店暗覺展
脩途

橫山

已過方山了橫山更絕奇爭高一尖喜妬逸衆青
追万馬頭駭鷺拶千旗脚恣吹娟峯恰三五隔柳尚
參差

凡十五峯從南數起第三最高尖

入漂水界閻堠子

統入漂水界休教勤吏民是誰差堠子久立待車

塵苔辭今仍古風霜秋復春不知及與隻迎送
行人

午憩方虛坐睡

午暑殘偏力長亭歇未行睡鄉蠅倣擾詩陣筆專
征今夕南吾枕何時北我旌不應菊花酒兒女不
同傾

樊系

冊文不做也由伊做了何須死不辯可惜一杯金
屑酒飲來祇較早此時

方虛日斜再行宿烏山

自己襄容去風仍劈面來征徒歇得醒老子不須
催綠蔭涼過平傘黃泥晒作埃欣然片雲起半霎

又吹開

多稼村村過垂楊店店迎偶然逢客子問得好山

名投宿欣猶早斜陽落更明僕人休進扇得似晚

風清

發烏山入漂水縣中山驛

兩脚依山見風頭觸樹回泥深行不去轎兀睡還來
栩栩情微適宣喧喧眼竟開夢殘那可續續得轉
悠哉

圩丁詞十解

江東水鄉隄河兩涯而田其中謂之圩農家
去圩者圃也內以圃田外以圃水蓋河高而
田反在水下沿隄通斗門每門疏港以溉田
故有豐年而無水患余自漂水縣南一舍所
登蒲塘河小舟至孔鎮水行十二里備見水
之曲折上自池陽下至當塗圩河皆通大江
而蒲塘河之下十里所有湖曰石臼廣八十
里河入湖湖入江鄉有圩長歲晏水落則集
圩丁日具土石捷菑以修圩余因作詞以擬

劉夢得竹枝柳枝之聲以授圩丁之修圩者
歌之以相其勞去

圩田元是一平湖憑伏兒郎築作圩万雉長城倩
誰守兩隄楊柳當防夫

何代何人作此圩石頑土膩鐵難如年年二月挑
花水如律流皈石臼湖

上通建德下當塗千里江湖繚一圩本是陽侯水
精圃天公勅賜上農夫

南望双峯抹綠明一峯起立一峯橫不知圩裏田
多少直到峯根不見塍

兩岸沿隄有水門萬波隨吐後隨吞君看紅蓼花
遍脚補去脩來無水痕

年年圩長集圩丁不要招呼自要行萬杵一鳴千
畚土大呼高唱總齊聲

兒郎辛苦莫呼天一日修圩一歲眠六七月頭無
點雨試登高處望圩田

岸頭石板紫縱橫不是修圩是築城傳語赫連莫
蒸士霸圖未必賽春耕

河水還高港水低千枝万派曲穿畦斗門一閉君
休咲要看水從人指揮

圩上人牽水上航從頭點檢万農夫即非使者秋行部乃是圩翁曉接莊

宿孔鎮觀雨中蛛絲

兩打蜘蛛不打蛛雨來蛛入畫簷隅網羅滿腹輸渠巧也只蠅蚊命屬渠兩罷蜘蛛却出簷網絲小減再新添莫言辛苦無功業便有飛蟲密處粘

空中仰面却飛身寂似毘耶不動尊忽有一蚊來觸網手忙腳亂便星奔

走得團團織得窠群飛來徃不逃他網罷外面逃

多步枉了辛勤設網羅

網羅最密是蛛絲却被秋蚊聖得知粘著便飛來不再蛛絲也解有蹊時

蛩聲

山行我已厭征塵夜語誰能伴老身辛有暗蛩同店宿被渠告訴却愁人

床根吟夜句寘搜莎底啼寒泣怨秋人世如何無苦樂一般蟋蟀兩般愁

莫憎苦調大酸辛月思霜哀亦可人村路小家無此客漂陽少府是前身

發孔鎮晨炊漆橋道中紀行

夢中一夜雨浪浪曉過田間尚雨香塘水溉田能
幾許兩餘田水却畝塘

可堪衰病兩相纏更苦懸車尚五年羨殺兩中山
上水留他不住竟畝田

兩入秋田恰及時禾頭相枕卧相依路南路北皆
秋水淨洗行人屢上泥

不但秋原兩冒田坐看平地路成川闊田山下青
松外不見人家只見烟

斫地燒畲旋旋開豆花麻莢更菘栽荒山半寸無

遺土田父何曾一飽來

君看人跡蝶來輕踏得林間路作坑古路今人行
不得一時移上上色頭行

行穿詰曲更崔嵬野店柴門半未開皂莢樹陰黃
草屋隔籬犬吠出頭來

兩入秋空細復輕松梢積得太多生忽然落點拳
來大音偏作行人滴傘聲

清曉新涼慙老懷只愁廉從可憐哉泥行寸步無
由到雨去前山却復回

水夾橫隄柳万株兩餘新沐更新梳柔條如線長

而細不貫双魚只貫珠

過平公橋

高岸行成路清渠淡不波荷花深似菊芙蓉皺於

荷聞道新橋好還成帶雨過如何平氏店宿處不

逢他

店極新幫

水溫

淡日輕雲雨點踈大漚隨雨起清渠跳來走去瓊

槃裏創見龍宮徑寸珠

至寶何緣識得全驟珠浮沒只俄然金仙額上莊
嚴底只許凡人見半邊

攸山望石臼湖

雨中深閉轎牕紗驚見孤光射眼花一顧平湖山
盡處碧銅鏡外走青蛇

野店二絕句

不勞官吏出將迎山店如何遠有聲人報官來爭
出看牛逢轎過忽然驚

山店茅柴強一杯梨酸藕苦眼慵開深紅杞子輕
紅蘇難得江西鄉味來

江西以木葉汁潰鴨子皆深紅日元子

菱沼

柄似蟾蜍股樣肥葉如蝴蝶翼相羌蟾蜍翹立蝶

飛起便是菱花着子時

山村

一搭山村一搭奇亦堪風物索新詩稻花雪白糝
柳絮柘子猩紅團荔枝行者自愁居者樂晴時即
熱雨時泥問知桐汭多程在未說宣城與貴池
歇處何妨更歇些宿頭未到日頭斜風烟綠水青
山國籬落紫茄黃豆家兩足一年生事了我行三
月去程賒老夫不是如今錯初識陶泓計已老

發銀樹林

莫過溪橋銀樹林溪深未抵路泥深清風一陣掠

人面晴色半開關客心遠嶺惹雲秋裏雪淡天刷
墨曉來陰幾多好句爭枝我柳奪花偷底處尋

入建平界

漂水南頭接建平丁頭兒子便勤耕踈麻大豆已
前輩蕎麥晚菘初後生席卷千山為一園天憐春
種賜秋成不如老圃今真个樊子何曾透聖扃
一歲昇平在一收今年田父又無愁接天稻穗黃
嬌日照水蓼花紅滴秋風有炎涼纔頃刻雨無朝
暮政滂流浪言出却金陵界入却廬陵界始休

早炊童家店

長亭深處小亭奇，雜篠分麌麌。
亦有姿，羊角豆纏松。
乘架雞冠花，闌竹槍籬不辭雨。卧風餐裏可惜橙。
黃橘綠時行到前頭楊柳逕平分。
紅白兩蓮池。

過謝家灣

行盡牛蹊兔逕中，忽逢平野四連空。
意隨白鷺一双去，眼過青山千万重。
近嶺已看看遠嶺，連峯不愛愛孤峯。
一丘一岳知何意，蹀盡官人着牧童。

轎中看山

買山安得錢，有錢價不賤。
住山如冠玉，人見我不見。
世言游山好，一峯足双繩。
峰外復有峯，歷盡獨

能徧不如近看，山近看不如遠詣。
山略退步容我與，對面我行山。
欣隨我住山，樂伴有酒喫。
山飲有蔌分，山饌隔。
水絕高寒紫雲偏，舊絢雨滋青弥。
深日炫紫還淺，端居忽飛動。
遐逝即回轉，孤秀呈復逃。
層尖隱還顯，撥入轎中來。
置在儿上玩，劣行三兩驛。
已閱百千變，非我去找旁。
搜皆渠來自獻寄，言有山人勿賣亦勿典。
金多汝安用，價重山亦愁。
佑若為我低傷廉，又非願。
山已在胸中，豈復有餘羨。

嘲蜻蜓

解
餌花春蝶即花仙飲露秋蟬怕露寒只道蜻蜓解
餐水元來照水不曾餐

發中橋

濕轎乘涼入斜燈借路明柳欹元不倒橋闊自多驚宿雷停殘滴朝曦放快晴溪流太無賴不作一聲聲

新雨豐今歲初晴屏積陰猛收千足練微露一稜金天變粉青嫩山描愁黛深誰言殘剩暑卓午不相尋

早炊高店

過雨溪山十信明乍晴風日一番清白鷁池沼菰蒲影紅棗村虛雞大聲肉食坐曹良媿死囊衣行部亦勞生不堪有七今成九僉父年來老更僉

午熟憩忠義渡

秋陽真我緊追程急泊臨流一短亭摘索風巾些子倦蒼茫水枕霎時醒單牌双堠頭都白万岳千岩眼強青不及溪邊老亭父一生卧護竹牕櫺

宿雞林坊

路覺徃而復意迷東與西元來八九渡只是一條溪亭午雖微暑茲辰較少泥諸峯雲上出不但與

雲齊

草有清無俗田生不用耘菰花凋品字荷葉缺錢
文出水浮難沒搖風淨更芬物情豈難狀作廢未
前聞

初九夜月

珍重姮娥住廣寒不餐火食不餐烟秋空拾得一
團餅隨手如何失半邊
也知月嬋是天妹天上人間絕世無霧刷雲撩何
不可却須揀一水精梳

村店竹床

村店事事無秋毫夜夜至一雙好竹床無人將去
睡

問月二首

月色幸自好元無半點雲移床來一看雲月兩昏
昏

月入雲中去呼他不出來明宵教老子何面更相
陪

將睡

老夫豈不眠只是眠未得若到睡思來華胥是誰
國

一更打二點夜夜此時睡今夜當此時不睡緣底事

已被詩為祟更添茶作魔端能去二者一武到無何

睡去非不願熟來無奈何蒙渠致西爽為汝守南柯

曉行望雲山

霽天欲曉未明間滿目奇峯總可觀却有一峯忽然長方知不動是真山

歸雲

可殺色去散雲也愛山夜來都宿好山間偶看一絮翩然起引得崩騰相趨還

三足鴉兒出海東飛光一朶染天紅只銷半點散雲動立地濛濛暗太空

坐看山頭託宿雲一雲綻動萬雲奔霍然散作千村霧遠處昏來近處昏

日出

散雲作霧恰昏昏收霧依前復作雲一靣紅金大圓鏡盡銷雲霧照乾坤

道旁店

路旁野店兩三家清曉無湯況有茶道是渠儂不好事青瓷瓶挿紫薇花

蛛網

深山無水又無人晒網攤曬奪日明却是蜘蛛遭積雨經綸家計趁新晴

加餐

脫髮星星徧加餐日日新二升卧龍玉一斗謫仙春雲子恐稱屈麯生能笑人吾方有公事公等不須嗔

道傍竹

竹竿穿竹籬却與籬為柱大小且相依榮枯何足顧

曉行山烟

曉烟橫抹碧山隅只在松梢足練如作意行前尋一看遠濃近淡忽都無

雨漱紫泥

道旁兩漱紫浮泥高底成山下底溪谷轉峯回雲出岫沙翻石走草緣堤波生蟋蟀漂新宅水落蛇蟬識旧蹊大地山河亦如此看來只是許高低

炬火發誓節渡勇家店

飄燼飛空落曉星隨風入草化秋螢莎蟲誤認天
明了却憂寒聲作暖聲

昨午秋陽尚壯哉今晨莫待日光催麻蒸一照三
十里底用金蓮花炬來

曉過花橋入宣州界

路入宣城山便奇蒼蚪活走綠鷺飛詩人眼毒已
先見却旋褰雲作翠幃

敬亭宛水故依然疊障双溪阿那邊謝守不生梅
老死倩誰海內裳風烟

近山淺綠遠深青兩樣風姿一樣清似愁朝陽卷

雲霧被儂看着太分明

不是青山是畫圖南山瘦削北敷腴兩山名姓君
知麼一字玄暉一聖俞南山名文脊
北山名敬亭

野店多賣花木瓜

天下宣城花木瓜日華露液繡成花何須堠子強
呈界自有瓊琚先報衙

嘉定元年春三月男

長孺

編定

端平元年夏五月門人羅茂良校正

誠齋集卷三十二終

湖亭上五日門人歸
嘉慶五年正月

東坡自題其畫

大千世界外本八日春

輕舟之載外本八

味祖一卒去聊一望

不見青山只盡關山

長安對酒

誠齋集卷三十三

廬陵楊

万里

廷秀

詩

江東集

花

野花山果絕芳馨借問行人不識名蜂蝶行糧猿

鶴飯一生口分兩無爭

也無半點爽風吹坐轎分明是飢炊宿處問來猶

五里火輪煽得正炎明

午熟

問誰一忘

月中炬火發仙山驛小睡射亭

道是宵征即曉光若言明發未朝陽月華露氣山
兼水享盡人間第一涼

踏月何銷秉炬行也防月落未天明果然留下長
庚去更賺行人作曉星

月輪已落尚殘光一似兩山沒夕陽次第長庚都
落去日華猶未出扶桑

長庚初讓月先行不料姮娥也世情趣駕永輪渡
銀浦亂拋玉李擲長庚

轎中兀得軟如癡蓬店投床片子時睡覺不知天

曉未半牕花影木犀枝

甘瓠

笑殺桑根甘瓠苗亂他桑葉上他條向人更逞瘦
戲巧怪道桑梢挂一瓢

五更入宣城詣天慶觀朝謁

曉露雙溪水秋風百舫橋行穿子城過却望女牆
遙落月能相伴踈鍾似見招小亭憩山半換馬上
峯巒

中秋前一夕雨中登雙溪疊嶂已而月出

州在三峯最上頭上頭高處更高樓都將萬岳千

巖景堆作雙溪疊嶂秋晚雨綻收山盡出暮天似
水月如流敬亭堪喜還堪恨領得風光攬得愁

傳

北祠敬

亭山

雙溪疊嶂舊知名投老初登眼不醒一雨飛來四
天黑亂雲遮断萬峯青急呼月色開秋色奪得昭
亭與敬亭自笑詩翁猶狡獪不饒山鬼弄精靈

昭亭

山有上昭下昭

新涼

毛空兩日散霏微勒住陰雲且四垂一路新涼君
會否晴無日色雨無泥

中秋無月宿青弋江曉行新寒
新寒催我索衣裘涼雨淒雲抱是愁耐冷素娥今
老去夜來桂殿罷中秋

秋花

顛願牽牛病兩些凋零木槿怯風斜道邊離落聊
遮眼白白紅紅匾豆花

過青陽縣望九華山雲中不真來早大露

竟不見其全

山長百里玉屏顏百里何緣盡好山只是縣前青
一簇芙蓉出五雲間

二 小
在 行 一

金 王 昭 告

肩輿過了九華西恨殺秋雲故故低遙盡奇峯時
放出逐峰放出不教齊

懊惱西來不見山五更指準月中看却將香霧寬
裁幕性燥和天總一漫

四更發青陽縣西五里柯家店

轎中萬兀路千縈死盡村雞無一鳴落月正明知
未曉暗泉甚遠只聞聲自緣客子行來早豈是秋天
不肯明午熱未來先下店却將盡睡補宵征
宿池州齊山寺即杜牧之九日登高處
我來秋浦政逢秋夢裏曾來似旧游風月不供詩

酒債江山長管古今愁謫仙狂飲顛吟寺小杜倡
情冶思樓問着州尼渾不識齊山依舊俯寒流齊
五洞其一曰妙峰峰下有山谷題名於蕉筆岩李白書堂在化成寺西六里

從提舉黃允章登齊山寺後上清巖翠微

亭望郡城左清溪右大江蓋絕境云

西山落日浴長江併貫清溪作一光千嶂圍來天
四合孤城涌出水中央樓臺王塔雲間見楊柳金
隄鏡裏長客子要窮秋浦眼翠微亭上上清旁

秋浦登舟阻風泊池口

牛眼化蝶化未成夢中湏洞發大聲軍鼙雷鼓百

千面援桴齊下作一鳴起來推牕無一物海潮打入齊山窟數洲翻覆相盪摩四山動搖皆突兀錢塘潮來聲驚天金陵潮來聲寂然此去金陵一千里郡得潮聲來到此長年三老笑復嘲云是波聲不是潮清溪波頭高過屋大江波頭發日轂清溪去江一步地大江可望不可至北風向晚動地來跳出銀峰萬萬堆儂船莫管行不得且看銀峯永今夕

池口移舟入江再泊十里頭潘家灣阻風不止

北風五日吹江練江底吹翻作江面大波一跳入天半粉碎銀山成雪片五日五夜無停時長江倒流都上西計程一日二千里今踰灔澦到峨眉更吹兩日江必竭却將海水來相接老夫蚤知當陸行錯料一帆超十程如今判却十程住何策更興陽侯爭水到峩眉無去處下梢不到忘歸路我到金陵水自東只恐從此無南風

舟中買雙鯫魚

金陵城中無纖鱗一魚往往重六鈞脊梁專車尾稍雲肉如大武千秋筋小港阻風泊烏舫舫前漁

艇晨收網一雙白錦跳銀刀玉質黑章大如掌洞
庭張子青欲黃香膚作線醯作漿供儂朝喫復晚
喫禿尾槎頭俱避席可憐秋浦好秋山儂眼未飽
即北還江神挈月作團扇揮風卷波面留儂看山
仍看江更薦鮮魚庖玉霜江神好意那可忘江神
惡劇那可當

舟中挑悶

江流一直還一曲淮山一起還一伏江流不肯放
人行淮山只管留人宿老夫一出緣秋涼半塗秋
熱難禁當却借樓船順流下逆風五日殊未央老

夫平生行此世不自為政聽天地只今未肯放歸
程安知天意非奇事平生愛誦謫仙詩百誦不熟
良獨癡舟中一日誦一首誦得徧時應得歸

舟過大通鎮

淮上雲垂岸江中浪拍天順風那敢望下水更勞
牽蘆荻偏留纜漁罟最礙船何曾怨川后魚蟹不
論錢

從丁家洲避風行小港出荻港

大江

蓼岸藤灣闊盡人大江小汊繞成輪圍蔬放荻不

爭地種柳堅隄非買春匏瓠放教俱上屋漁樵相

倚自成鄰夜來更下西風雪蒼麥梢頭萬玉塵

荻離蕭灑散來新茅屋橫斜盡不真乾地種禾那

用水

圈中有禾濕蘆經火自成薪研蘆卧地而鳥元非田畝大其枝葉

居魚笑三百里菜把活他千萬人

丁家洲閣三百里只種蘿蔔賣

至金陵白浪打天風動地何曾驚着一微塵

蘆撣塵尾詰清秋柳弄腰支舞綠洲引得江風顛

入骨戲拖波浪過於樓十程擬作一程快一月翻

成十月留未到大江愁未到大江到了更添愁

江天暮景有歎

只爭一水是江淮日暮風高雲不開白鷺倦飛波

政闈都從淮上過江來

一鷺南飛道偶然忽然百百隻千千江淮抱屬天
家管不肯營巢向北邊

江行七月阻風至繁昌舍舟出陸

日日江行怖殺儂逆風惡浪打船蓬只今判却肩
與去遮莫掀天浪與風

山行辛苦水行愁只是詩人薄命休管取如今遵
陸了雲開風順水東流

過宜福橋

水鄉澤國最輸農無旱無乾只有豐碧豆密爭來
蔭底綠荷雜出稻花中是田是沼渾難辨何地何
村不一同若遣明年無種子却愁閑殺雨和風

過若山坊進退格

綠漲空中惺黃鋪地上雲風條鈎過轔雨穟沒行
人夾路來千樹平田稻十分澤行殊不惡物色逐
村新

宿峩橋化城寺

一溪秋水一橫橋近路人家却作遙柳遠溪橋荷
遙屋何須更著酒旗招

忽從平地上高城乃是圩塘隄上行厚賽柳神銷
底物長腰雲子閣腰菱

過石硊渡

峩橋小渡十里長石硊小渡五里強斜風細雨寒
蘆裏下有深潭黑無底渡船劣似紙半張五里却
成一千里中流風作浪如山前進不得後進難闖
溪市井只咫尺安得飛墮於其間大江風濤堪着
力小渡風濤更無格咫性命輕於毛只恐一毛
猶不直

天終行

天孫嬾因地雲機却倩月姊看殘絲玉兔偷消乞
去風伯和機失却天未知風伯得絲那解織未嘗
躬來那解惜掀髯一笑戲一吹散入寒空收不得
曉來翠嶺瑩無痕片雲忽裂落嶺根須臾吹作萬
縷銀乃是天絲不是雲遠山成練不曾捲近林成
紗未經翦坐看斜飛拂面來分明是絲尋不見元
來着面化成水是水是絲問誰子

怪菌歌

兩前無物擦眼界兩裏道邊出奇怪數莖枯菌破
土膏即時便與人般高撒開圓頑丈來大暗一菌

可藏人一箇黑如點漆黃如金第一不怕驟雨淋
得雨聲如打荷葉脚如紫玉排粉節行人一箇撥
一枚無兩即闔有雨關與風最巧能向背志却頭
上天倚蓋此菌破來還可補只不堪餐不堪煮

曉晴發蕪湖吳波亭

八日川塗九雨風船中出得入泥中老夫強項誰
能那雨止風休伎自窮

雨來初做養禾天雨久還成害稼年今日一晴無
準在金鴉飛出卯牌前

晨炊艷鞭亭

老賊平欺晉鼎輕一輪五色夢中敲罵寶鞭脫急非
無策何似休將日遠營

問著無聲是向兄坐看家賊只吞聲歎屍大放經
綸手長柄判聲將錫茂弘

過獺橋湖

圩路抨絃白圩溝夾柳青藻明潛撥刺日暖凍蜻
蜓只箇新茅店分明是水亭行來惟恐盡覽屍不容停

望謝家青山太白墓

阿眺青山自一村州民歲歲興招魂六朝陵墓今

安在只有詩仙月下墳墓次有菴菴中有太白祠州那歲遣教授祭之
玄暉舊宅略無存太白來游愛是間占作醉眼床
一隻謝家山是李家山州民上塚踏青畢集祠下

登牛首蛾眉亭

在采石廣濟寺

謫仙攜妓戲人寰也被千花妬玉顏半點閑情千
古恨一波秋水兩春山錦袍宮燭雲霄上白苧烏
紗江海間欲寄雙魚招醉魂月輪捉了垂言還
山折江通萬里流菱花雙照繭眉頭掃除却月橫
雲樣別有顰風蹙兩愁明月入波那可捉長庚伴
月本同游君看夜夜青天上渠與姐家分管秋亭

有一片石

日捉月臺

宿牧牛亭秦太師墳菴

兩關只有一樓侯瀛館寧無再帝丘天極八重心
未死台星三點坼方休只看壁後新亭恐移中屬
國羞今月牛羊上丘壠不知丞相更嗔不_{暮年}
殺張德遠胡邦衡等五十餘人不知諸公殺盡將欲何為奏垂上而卒故有新亭之句然初節似蘇子卿而脫繆

鴈來紅

開了元無鴈看來不是花若為黃更紫乃借葉為
葩藜莧真何擇雞冠却較差未鴈屏菊葦赤脚也

容他

早炊新林望見鍾山

辭奉鍾山一月前如何知我北歸軒不通姓字慙
慙甚忽到新林野店邊

兒姪新亭相迎

送客新亭恰放燈兒曹迎我復新亭百年事業何
為者送往迎來過一生

送孫從之司業持節湖南

金家先遜却誰知匹馬西歸也大奇出盡莫嫌三
宿戀壞麻不待七年遲風生折櫂人無古水遙園

橋士有師六一澹菴喬木在分秋新長雪霜枝
白頭燈火共書林自少論交老慰心官職壞人餬
裏鶴忠賢到骨鋸中金朝陽鳴鳳祗今見夜雨對
床何日尋回鶴峰前鴈回後紫薇紅藥待渠吟

跋天台王仲言乞米詩

敢言縮項更長腰黃獨青精也絕苗尚有囊中餐
玉法藍田山裏過明朝

十月朝補種杏花

百株種杏自今春度夏榮枯不解勻要看補栽新
樹子茶糜紅刺綃頭巾

下元日詣會慶節所道場呈余處恭尚
書

琳宮朝謁早追趨漏盡銅壺殺點初半縷碧雲橫
界月一規銀鏡裂成梳自拈沉水祈天壽散作非
煙滿王虛已被新寒欺病骨柳陰偏隔日光踈

余處恭和

殊庭冠佩儼晨趨聯轡朝真下馬初簾透晴曦金
辟剪霜彤細柳髮新梳三呼獻瑞聞班列萬籟寂
聲入步虛祝聖歸來無一事時平翻恨酒杯

踈

和余處恭贈方士闇都幹

河出崑崙江出岷風吹不斷浪花春但看此水源
無竭底用玄談谷有神老健便為仙放杖斧斤祇
在鞭生塵東家自有仁山訣方士何曾悟一真

題楨查紅葉

楨查將葉學丹楓戲與攀條撼晚風一片飛來最
奇絕碧羅袖尾滴猩紅

拾柏子

皺縠頃來紫麥新中藏瓊米不勝珍胡桃松實何
曾契却爵秋風柏子仁

新酒歌

官酒可憎老夫出意家釀二缸一曰桂子香

一曰清無底風味冷冽歌以紀之

酸酒齊湯猶可嘗甜酒蜜汁不可當老夫出奇釀
二缸生民以來無杜康桂子香清無底此米不是
雲安米此水抵是建鄴水甕頭一日遠數巡自候
酒熟不倩人松槽葛囊綻上摆老夫脫帽先嘗新
初愁酒帶官壺味一杯徑到天地外忽然王山倒
甕邊只覺劍鋒割腸裏度撰酒法不是儂此法來
自太虛中酒經一卷偶拾得一洗萬古胡酒空酒

徒若要嘗儂酒先挽天河濯渠手却來舉杯一中
之換君仙骨君不知

睡覺

小醉如無酒寒宵似度年覺來因記夢醒去不成
眠萬事從心下三更到眼前清愁政無那一鶯呌
霜天

菜園

此圃何其窄於儂已自攀看人澆白菜分水及黃
花霜熟天殊暖風微旆亦斜笑摩挑竹杖向日拄
還家

觀化

道是東風巧西風未減東菊黃霜換紫樹碧露揉
紅須把乖張眼偷窺造化工只愁失天巧不悔得
詩窮

冬暖

小春活脫是春時霜熟風酌日上遲蝶頻移獵
殘蘂驚禽衝過倒垂枝暫閑何似長閑好無事非
關了事癡三徑一筇人不見假山以外菊花知

至後睡覺

忽忽又過一陽生睡恰濃時夢忽驚簾幕深沉入

四寂堦除點滴兩三更燈搖芒角開成暈風吸牕
櫓過後聲不是寒雞寒似我如何不肯喚天明

送江東集與王謙仲樞使樞使和至後睡

覺一首

池塘春夢草初生江左詩來得我驚開秩快觀醒
倦眼挑燈細讀度寒更追參李杜今無敵揮斤侯
劉獨有聲一首敬酬三百首深慚坡老和淵明

寄題王亞夫檢正不啻足齋

既得隴復望蜀未求寶劍先求玉秦相後車一千
載唐相胡椒八百斛黃金肘邛駕黃鸝身前僂佛

身後福九潦鴻入無底谷匹似人心猶易足九州
四海王同年三江五湖春水船便應犯斗入月邊
餘事猶堪濟巨川天風吹來隨人寰水精宮裏作
詩仙寄牋挑雲呌穹昊願賜江湖散人號玉皇留
渠作豐年早晚喚歸香案前詩仙掉頭不肯住田
園將蕪夢歸去括蒼山勝道場山向來結芽非霧
間齊房恰則斗來大去聲中藏世界三千箇門前疊
觸戰方酬鳬息如雷政高卧

題王亞夫檢正峴湖堂

西峴山光照舊廬北湖水色漾新居翠鬟夜欲凌

波去玉鏡晨當掃黛初萬岳千巖雙不供輕風細
浪一夫須來書便當催詩雨雪後燈前卷復歸來
書
急故去詩甚

壬子正月四日後圃行散

淡日微歸又急收兜羅縵隔紫燈毬更將數點無
聲雨不濕人衣却濕頭
勃姑偶下小梅枝要看渠儂褐錦衣柱後藏身教
不見却因不見轉驚飛
雙鶲營巢浪苦辛棟條銜折不辭頻舊條老硬新
條勒却向離根拾落薪

傳語春光恰好穠太穠恐怕惱裏翁日華五色無
尋處只在蛛絲來去中

雪後霜晴元宵月色特奇

玻瓈盆瀉瑠璃水素娥晚粧欲梳洗報道虛皇染
雪宮一架半間三萬里却嫌廣寒未苦寬要借新
宮作上元先煩玉妃整羽衛次遣青女褰雲闌渠
儂舊有七寶藏封在瓊樓樓頂上中藏腦子萬斛
強輕明片片梅花樣急呼膝六取將來更和端葉
接作埃狂拋亂撒不停手滿空碎下真珠胎乾坤
立變水精闕雲衢透冷天街滑姐家催索水霜袍

肌粟衣銖添不徹銀輪凍作一團冰望舒隨指推
不行兒啼簷泣滴成露海東飛上金鴉精

清曉出郭迓客七里莊

却為迎賓得探春白門官柳早去聲尖新如何霜瓦
纏逢月半作青瑤半作銀

偏得春憐是柳條腰支別作一般嬌微風不動渠
猶舞剛道東風轉舞腰

探杏

紅藍細細參晴包紫玉森森走膩條枯梗折教無
一寸併驅春力本去聲花梢

曾見乾條撼雪飛一暄爆出萬更枝從今日日須
來看看到紅紅白白時

梅花

東風微破野梅心着骨清香已不禁綠刺一尖雙
苔子錯書小字帶懸針
帶雪雖奇愁粉粧耐晴別是好風光却綠白日青
天裏照得花明暖得香

跋汪省幹詩卷

向來劉翰有詩聲近日汪經更得名月在梅花水
在月與君句子各爭清

自古詩人太瘦生可憐辛苦選虛名詩家難壓君
知麼壓盡三公况九卿

和謝石湖先生寄二詩韻

老夫寄江東集與石湖先生先生寄二詩一
稱賞江東集一見寄石湖洞霄集和以謝焉
一張五色石湖雲天上吹來隨小軒化作虹橋倚
鍾阜渡將老子到吳門黃鍾路鼓鳴清廟玉咸金
支舞秦尊乃是寄儂詩數紙却拈瓊怪向誰論
康鼎才來頓解懶廬能自笑未經師分無楓落吳
江句博得池生春草詩木李拋將引瓊玖詩筒從

此走符移蛤蜊龜鼈非難辨只問先生汗漫期

領客南園

南園多日不曾來領客閑行始去聲此回獨樹小梅
開一朵被他攔住勸三盃

人間俗殺是公筵最苦沉煙雜燭煙何似大家行
幾步逢花即飲醉還眠

和余處恭尚書清涼寺勸農

石城諸峯入天半曾隨騎吹經行遍梅花換歲初
不驚敬馬報行春再出城官旣晨炊雲子王兵尉夜
壓秦淮綠尚書親餉老農夫寒道夫須兼獨速勸

農文字不怪奇知道尚書愁我飢有如山農出南
溪老釋隨觀韓退之叟攜群釋釋扶叟一生懶識
茅柴酒尚書賜酒誰得嘗瓦盆滿引無升斗今年
好風來自東五風十雨堯日同尚書歸去作相公
當寄豐年書一封

嘉定元年春三月男

長孺


編定

端平元年夏五月門人羅 茂良

校正

誠齋集卷第三十三終

第35367号
平成 3.11.22
聖和學大館
園短書館
928
七
8



詩經傳注

